

(欽定) 廓爾喀紀畧

卷
二十六
二十七

欽定廣輿記

卷一

欽定廓爾喀紀畧卷二十六

四月初三日

辛丑

福康安惠齡奏言

臣

等於十七

日自前藏起程二十二日行至朗噶經過沿途
地方寨落相望寺廟多係依山建蓋喇嘛及番
民人等歡迎夾道自朗噶以西計行路三百餘
里山勢不甚高大至江孜地方村寨較大番民
稠密該處地當孔道爲前後藏屏蔽與帕克哩

定結興薩喀爾達絨轄等處隘口均屬相通上年賊匪由撒迦春隊至後藏未至江孜搶掠是以地方尙屬繁庶由江孜向西北行三百餘里於二十七日行抵後藏該處東北南三面距山甚近北面山勢較高東面有河一道惟西面地稍平行上年賊匪卽由西南一路前來滋擾並無險隘可以堵禦扎什倫布廟宇在北面山坡

建蓋徐南鵬所守之營官寨在扎什倫布東北里許土岡之上寨房雖小尙得地勢曾被賊匪攻擾數次竟能固守扎什倫布之南約及二里

均係民居寨落未被賊匪焚燬惟番民等避賊遠去逃散甚多嗣因後藏一帶傳染出痘一時

未敢遽歸半存空寨

臣

福康安到前藏時卽行

出示曉諭並飭令歲琫堪布及後藏營官第巴

等查明人戶招集回寨及時耕種貿易營生俾
農商各歸本業茲臣等察看扎什倫布番民多
已回寨番地亦有翻犁者近日痘症時氣漸覺
稍減街市貿易均已如舊堪以仰慰

聖懷至扎什倫布廟宇臣等一到後藏卽至廟內叩

謁

聖容親赴各處查看並向歲琿堪布詳悉詢問上年

賊匪擾至後藏時班禪額爾德尼當於八月十六日起程將珠寶細軟物件帶赴前藏仲巴呼圖克圖押帶班禪額爾德尼所有舊物及金銀衣服綢緞等項裝載二百三十三捆用牛馱載搬運過河至東北山後由托布嘉至東喀爾寺內藏匿扎什倫布喇嘛三千餘名俱已逃散賊匪一至廟內瑪木薩野卽在班禪額爾德尼坐

靜房內居住大小頭人分據各處將廟內物件
及塔上鑲嵌肆行劫掠金銀佛像搶去大半裝
金木胎佛像亦間有被毀者惟各佛殿鍍金銅
瓦並未拆動房間門牕牆壁損壞亦屬無多其
扎什倫布後層佛樓五處供奉厯輩班禪額爾
德尼金塔三座並班禪額爾德尼住房經堂皆
在其上金塔外用木板圍護木板外包銀皮鑲

嵌珠寶珊瑚松石背後一面則係溜金銅皮包裏塔前各有供器一分俱係金銀鑄造賊匪滋擾時東首係第十一輩班禪額爾德尼塔座因樓門鎖固有賊匪二人登梯上房從天牕越進失足跌下絆在石獅子及貯淨水缸上連斃二命賊匪心懷畏懼是以此塔及塔前供器均未被掠中間係第十二輩班禪額爾德尼塔座鑲

嵌銀皮間段挖去尙未全損其西首前輩班禪
額爾德尼塔座內金塔有木板圍護尙未損動
而外面銀皮鑲嵌供器搶掠無存

臣

等查賊匪

越牆攘竊實有跌斃二命之事可見第十一輩

班禪額爾德尼護法默佑尙有顯應現在廟宇

佛像兩座金塔俱經歲琫堪布莊嚴修整逃散

之喇嘛人等除出痘身故及避痘遠赴山僻寺

廟居住者一千餘名外其餘陸續回寺均得安
禪棲止梵誦如常至仲巴呼圖克圖運出之各
項物件聞賊退去俱已帶回並無遺失再查頭
輩班禪額爾德尼傳留紫色石一塊鐫刻梵字
此石名爲諾爾布桑珀勒堅潤光瑩不似石質
亦經賊匪遺棄於廟外樹林內尋獲相傳此石
爲鎮山舊物以石之去留卜廟之興廢當賊匪

滋擾之後此石仍未遺失後藏僧俗人等皆言
佛力呵護廟宇復興實爲吉祥佳兆因此人心
益加鎮定雖所言難於盡信然近年藏內多故
黃教之盛稍遜往時仰賴

聖主護持佛法衛藏輯寧從此黃教振興定卜由衰
而盛前蒙

訓示及此益見氣數循環實有至理臣等曷勝欽服

欣忭之至

福康安惠齡又奏言

臣

福康安在前藏時以自

藏至軍營一路烏拉謁蹶設法籌辦自達賴喇

嘛以下皆踴躍從事共辦牛一萬五千頭分派

糧臺轉運照例給與烏拉價值沿途毫無阻滯

辦理已有成效惟前藏以東各臺站運送軍火

軍需到藏甚爲遲滯若不設法調濟必致有悞

要需查東路自打箭爐出口由明正土司裡塘
巴塘至南墩一帶地方俱有該土司等管理且
距打箭爐不遠孫士毅就近查催尙無遲悞其
自南墩以西卽係達賴喇嘛所屬川省稽察較
難逐站更換烏拉山高路遠牛隻又易疲乏而
該管之第巴營官等經理不善或不免有侵漁
尅扣之弊因此番民等退避不前愈形短絀運

員不能久待催促緊急營官等卽行逃匿一站
停積遂致通站不行或竟將上站牛隻馱運過
站愈行愈遠多致倒斃失迷殊非仰體

聖主體恤番黎之意且自南墩直至西藏道路共計

三千四百餘里內祇察木多拉里兩臺其距臺

較近之處臺員尙可稽查若相離寫遠地方實

有鞭長莫及之勢

臣

福康安屢次嚴催並派藩

司景安前往稽查力加整頓

臣

惠齡前過各站

時亦經沿途催趲面諭第巴營官妥爲應付無

如未定章程辦理仍形竭蹶

臣

等悉心商酌必

須處處通行方可源源遞送惟有另辦牛隻分

撥各臺專派委員及能事喇嘛等分段經理以

免耽延貽悞隨令道員林儁通盤籌畫並與達

賴喇嘛濟隴呼圖克圖等往返札商使各站俱

有受僱牛隻照例給價到站卽行諸弊可以盡

除查南墩至藏原定八十七站今作爲五十六

站每站派令應出烏拉之人辦牛三百頭共牛

一萬六千八百頭按站分撥又將各站共作爲

七段每段各派知縣佐雜一員管理並委道員

徐長發候補知府李憲宜往來督催稽查達賴

喇嘛亦按段派撥總辦喇嘛一名專司其事內